

三渠先生集

木




重刻三渠先生集卷之十六

木

家乘

封中憲大夫先考府君補述

先中憲府君懿行休烈有 褒封之誥有諭
祭之文有少傅文康李公之碑有少師桂洲
夏公之銘焜煌琬琰式今昭後爾矣然歷轉
郡邑治效稱最憲臣論薦凡三十七疏云守
河內日有陳秀者密以千金夜賂欲脫某罪
我府君杖而還焉當是時也府君將謝病西



歸猶自勵若此語曰官怠宜成我府君其免
夫先母張恭人繼母李恭人婦道母儀齊德
並善庶母宗本恪修內職賓等釋禫三年五
孫復生昌裔昌毅昌符昌運昌言凡一十有
八焉於戲我府君位不究才壽不配德芳名
勁節終始如一固一世偉人矣不肖攀號莫
及五內崩裂補述幽潛載勒銘未庶幾沒而
不朽久而有光也

封中憲大夫先考府君暨先妣贈恭人張

氏封恭人李氏壙述

府君諱懋字昭大世咸寧人也五世祖照磨
生子諱好德好德生子諱仲義仲義生子諱
福福生子諱壅爲我大父以府君貴贈文林
郎山東道監察御史娶同邑張氏封太孺人
爲我大母云初太孺人就蓐有日者謁大父
曰午時生兒當貴也父大笑曰吾世有蘊德
天或祐之當符若言及刻府君果生實成化
十三年丁酉十一月四日也府君豐頤大耳

家範 卷之六
背厚如負十二歲師尊尚書近山劉先生指
授周易十六爲學官弟子員正德丁卯舉於
鄉丁丑登進士是歲秋陳情歸省乃大父八
十懸弧之辰府君開筵獻壽歡欣竟日巳卯
還 朝授行人司行人無何

武廟將南狩府君抗疏極諫

上逮繫詔獄仍杖於

廷左除國子學正尋丁外艱辛巳

今上御極

詔復行人陸俸一級嘉靖壬午奉使浙江存問
尚書章文懿公再使河南鄭府甲申遷山東
道監察御史巡視南城一年豪猾斂跡時廷
臣議禮不合相繼去位有因杖而斃者府君
乃上疏論救其略曰比見議禮諸臣不能仰
體

聖心執泥成說無異聚訟

皇上罪之無不當人意者然國之養士如地之
生材培植甚難摧折甚易乃今屏斥至死有

識寒心夫和氣致祥乖氣致異理必然也伏
望 天威少霽豐澤弘施俾去位之臣令其
供職斃者之妻孥卹之廩餼召和弭沴禱禱
或多

上怒謫高縣典史是時臺諫交章論救不報高
蜀西南小邑氓獠雜處鮮知禮讓府君興學
延師擇子弟俊秀者教之脩朱子學規呂氏
鄉約暮年而俗漸化丁亥少師楊公一清請
宥言官

上特允之府君再改萬泉典史其治萬泉猶治
高也唯地土厚多石不可以井居民飲水取
汲十餘里府君鑿池引水甃以陶甃民大便
之因呼爲王公池戊子陞知長垣縣先是垣
久旱苗將槁府君下車禱雨即大澍歲大熟
既而大名諸邑蠲彌野獨不入垣境垣古蒲
邑子路是宰乃建河內公書院選擇師生躬
督課之時有惡俠專邑里權而狃獮其土先
是邑令皆莫敢嬰府君先墮其黨竟寘俠於

法都御史錢公如京御史段君汝礪文章獨
薦垣人立祠祀之庚寅同知池州府府君攝
篆治効等長垣青陽大水府君力爲申請獲
免徵賦乃有乾鵲巢於寢室之側可俯而窺
人以爲瑞云是時監司疏請府君仍知本府
不報歷陞南京戶部山西司員外卽南京刑
部河南司郎中尋丁太孺人憂乙未服闋補
刑部山東司郎中未幾陞河南懷慶府知府
懷慶久缺守庶事類廢府君治一倣漢任延

之法勸學興禮問德考業士民親愛如父母
焉有陳秀者欲以千金夜賂請脫其罪府君
杖秀竟抵其於理時御史按部至府君病作
御史諮詢政理至獄藏區署經理詳察乃曰
嗟乎勞心如此信有病哉府君陳情乞歸

上特允銓部之請暫令休致時丙申年十月也
府君既歸病亦尋愈方與友朋結社醜會復
疾作不起實嘉靖十七年戊戌三月三十日
午刻得壽六十有一痛哉府君溫厚寡言不

妄取與事我大父母先意順承曲盡其旨大
父母考終皆不在側每一念及泫然泣下一
弟安友愛甚至及析居盡以田產予之其卹
妹訓子類如此別號江涯蓋別業俯臨曲江
故云先母恭人張氏長安麗士穉女我府君
元配也有至性嗜女紅年十七歸府君爲張
族巨賁雄或爲驕侈慮者母布素泊如勤敬
自將有鹿車之風其事我大父母也溫寒之
服先時而具佐祀脩饋益虔罔懈每聞府君
讀書至古嘉言善行輒深頷解府君所友善
賢豪時過從母急具厨饌至脫簪珥以給正
德戊辰府君卒業太學一日使僮市麥麥踰
直僮喜我母亦歸直必稱乃已一時同舍婦
皆稱之嘉靖壬午用賓讀書中秘府君爲行
人母偕至京用賓每歸過撫之慰憚未幾病
作乃以七月十四日歿於邸舍時府君使南
總歸信宿也距生於成化戊戌五月二十日
年四十有五痛哉母歿既期府君再配恭人

李氏卽我繼母也母亦長安人父琮母劉以
弘治乙丑二月十六日生母於維揚甫逾笄
母依嫂氏西歸一日抵旅舍母忽驚悸亟白
嫂令家人戒嚴是夜寇至獲免及歸府君我
太母尚無恙也是時用賓兄弟已受室母孝
慈備至嘗曰老母垂年服勞幾何諸子母事
余余恒惕然恐撫之不逮若母爾嘉靖戊子
母生男子不育府君輒爲流涕母慰之曰脩
短有數撫諸兒若婦足矣願勿復言賓輩聞
之感慟府君宦遊中外母多裨益其視二庶
母宗本愛齊女弟庶亦能敬故府君閭闔絕
無間言丁未用賓以少詹事罷歸母忽病痿
用賓周旋日夜迎醫療治已酉

上用臺臣議 詔復賓官部檄至經月賓不忍
去母曰

主上明聖汝亟還 朝吾不汝憂也乃觴以酒
涕泣拜別明年庚戌用賓叨轉官階母聞喜
甚方圖迎養遽以辛亥春正月四日奄棄逾

先母纔兩歲爾痛哉先是用賓備員編脩三載考績母張贈孺人繼母封孺人越九年丁

酉

聖天子以元嗣之祥覃思侍從府君封中憲大夫二母再贈封恭人府君不祿用賓爲春坊

諭德陳情乞 恩荷蒙

聖慈特賜祭葬比聞繼母計用賓復以疏請

上命左布政使進賢張公臬

諭祭我府君暨二母復 命再治瑩域侍臣兩

蒙

賜葬僅見於此用賓戴 恩如天日夜感泣茲

卜以次年壬子正月廿六日奉繼母合葬於

曲江原府君之墓爰有志銘少保華亭徐公

勒諸貞珉尚有遺忘用賓復識之如此顧荒

迷踈謗不足以闡休烈然傳信紀實或乃不

愧刊石附壙庶幾免悔云爾先妣張恭人生

子凡八人男六長用臣例授散官次用賓次

用予澤州知州次用卿次用賢俱國子生次

用相女二長適國子生李未思次適庠生許
錢孫男十有八昌胤昌業昌年昌宗昌祚昌
裔昌國昌功昌道昌遠昌壽昌亨昌化昌期
昌祐昌吉昌爵昌祉孫女十有二曾孫男一
楷昌胤出

兄儉齋君墓志銘

兄名用臣字允鄰別號儉齋先中憲府君長
子也嘉靖丁酉用賓奉使如關時府君以懷
慶知府懸車初歸兄大喜日陳酒讌令諸弟
妹以次爲府君壽府君欣然亦慶有兒是歲
兄援例散官云明年戊戌用賓還

朝越三月而府君棄養逾年而兄亦變作矣始
用賓痛哭府君兄慰之曰大人考終予經紀
殞殮無復遺憾若惟善強攝是若孝爾嗟乎
府君已矣孰意復痛凡邪傷哉昔我母氏張
恭人旣生我兄患病經歲我大母太孺人張
氏鞠之次纍纍幾無完腹八歲遊鄉塾十四
歲通論語孝經大義是時我大父御史府君

家乘 卷之六
恐家計中替令習賈業兄日夜刻勵久之操
奇贏發積貯得宛孔氏之法二十四而賈遊
淮海大風覆舟兄跨櫓木漂流十餘里時舟
人知我兄挾金也爭往就之兄投金於水謂
舟人曰金重易溺吾故棄去若能相救當厚
報也於是舟人携之獲免於難或問其故荅
曰彼利吾金吾不復生矣兄嘗構堂爲先君
歸老計爽塏之制悉自規畫雖自用甚儉其
事親不悖顛如此比以心計過勞痰火上攻

每發煩燥冬不著纊兄乃屏絕人事專親醫
藥嗚乎孰意其耳後疽將發邪距生弘治戊
午六月廿九日卒於嘉靖己亥三月十七日
年四十有二傷哉兄寡言笑絕驕肆居鄉治
家友弟卹鄰咸可式法元配李氏無子再置
齊陳亦無子先府君令以弟用賢之子嗣焉
而命其名曰昌業女一人兄比屬纊猶張目
諭諭俾善視兒用賓等涕泣應曰府君命在
敢不敬承遂頷之不復言先是中憲府君未

歿余女弟病死其年之間哀酷繼至昊天不
弔毒我何極昔韓退之三哭馬氏千載遺文
令人悲愴視用賓何如也茲將奉兄以是年
仲冬九日從先府君葬於恩賜塋兆之次然
兄之幽潛用賓恐後世無聞也乃杖淚志之
爲之銘曰兄之良兮寔肯堂兮壽不配德行
惻傷兮從我顯考被寵光兮於萬斯年名共
揚兮

亳州知州弟首山君配唐氏墓誌銘

嘉靖三十四年乙卯五月十四日余弟直隸
亳州知州首山君歿于宦所子昌祚扶柩旣
歸乃於丁巳五月十二日葬君於曲江西原
後十有九年爲萬曆甲戌十一月十八日配
孺人唐氏歿昌祚告余襄事乃卜於丙子八
月十二日良吉啓首山壙合而窆焉先是首
山之塋余時爲禮部尚書召直

內苑未獲撰述志銘每一念及潛然泣下嗟乎
忍吾弟沒沒終無聞邪志曰弟諱用予字允

望號首山先公河南懷慶府知府贈尚書府君第三子偕余兄弟六人皆先母累贈夫人張氏出也君姿稟端厚不妄笑語先大父累贈尚書府君愛之令先公授學比長爲學官弟子君夙夜淬礪督學公累試輒冠諸生是時按察新鄭高公聞君名延入臬邸令諸子出謁曰是貴家子卽布衣紉綻可嘉也嘉靖辛卯薦於鄉累試春官不第庚戌謁銓部授山西澤州知州澤號繁劇君下車嚴立約束曰男母情耕曰女母情織曰士母情業曰工母情藝曰祖母負公曰婚母論財曰訟母誣良曰用母踰度申論旣備士庶感悅無不爭相化者郡有積惡龍虎太歲等獫狁良善人莫敢撓君密捕之悉寘於理民牛觸王府牛斃王奪民牛復訟於州君令民屠牛以償輿情快焉是時虜犯畿輔選馬於澤使者督迫聲勢赫灼供奉壺觴君爲錫具會隰川府開宴金具錯列使謂隰川曰王守者邪隰川曰

王守清如冰壺那有此也使者默然亟竣事而還辛亥丁繼母累贈夫人李氏憂君哀毀踰禮寮屬贈賻悉拒不受癸丑服闋補知亳州亳鄰睢陽值劇盜師尚詔初平民罹兵燹寃苦殊甚君招集流亡申蠲租賦諸所省論施爲悉簡易平明之政遠近大悅頌聲聿興顧未幾病作士庶遍禱於神竟弗起旣而素服奔臨擗踴號泣兒童走卒罔不悲痛同知王君洲經理喪具遣人擁護還家嗟嗟首山可謂歿有餘光者矣君篤厚人倫本於天性先公河內遭疾晝夜扶持備極勞憊中帟廁淪躬自洒浣勿從余學以師事之每有疑義務析精暢惓惓怡怡藹如也友人李之本貧病無依君延諸別業日給廩餼比歿殯塋如禮嘗出關有孤鴈哀鳴盤旋馬頭回視道左見人縛持一鴈君買而縱之鴈雙飛去其濟人愛物類如此娶唐氏處士綬女性貞靜嗜女紅年十六歸君歸甬浹辰先母張夫人捧

也沃盥唐趨而代焉先母喜謂先公曰新婦
賢它可占也君攻苦夜讀唐氏篝燈伺供飲
食兩刺名邦清節茂著君子謂內闈裨益居
多君生男子二長昌祚習舉子業娶黃氏次
昌期娶梁氏卒繼師氏相室朱氏出女子二
人長適趙郎中子鉅唐出次適鄧知州子允
恭朱出孫男二長紹芳娶郭氏黃出次紹祖
梁出孫女二長適庠生雷豫黃出次聘梁舉
人子以中梁出君生於弘治癸亥八月十三
日得歲五十有三唐氏生於正德丙寅四月
三十日壽六十有九曩余上留都道經亳州
父老百餘焚香遮道曰吾儕小人沐先明府
渥澤夙夜圖報願明府子孫世世如公也余
泫然泣下比及郭門諸縉紳誦說如父老云
乃流連信宿盡歡別去即今二子好學昌期
鄉薦諸孫卓犖如雲未艾也先民曰積善有
慶厚德流光殆吾首山謂哉銘曰匪裔爾施
匪靳爾年哀多益寡天道固然有兀者封佳

氣綿延是爲

先朝恩賁曰曲江阡首山安人爾歸爾止銘石
熒熒令聞不已

弟允治墓志銘

余母張恭人生六男二女允治最幼祖母張
太孺人愛之呼爲六哥八歲患病十五六滋
甚蓋自是形容癯然精神短齷云十八歲娶
李氏二十一生兒昌宗無何日宴猶卧余厲
聲責之繼母李恭人曰六哥夜嗽達旦殆病
邪余聞之懼乃蚤夜迎醫鍼灸並施竟以嘉
靖戊子九月十二日死年二十有二初余迎
醫允治灑然曰某無病無病其諱疾如此允
治寡言咲善心計先中憲府君宦歷中外允
治隨侍府君嘗試之予以綺紕允治受而不著
余間與諸弟私憂之曰六哥善賈富可坐致
第恐不壽耳嗟乎可盡咎吾弟哉允治生於
正德己卯三月初七日名用相允治字也
後二年庚寅二月廿又一日塋允治於曲

江原

恩賜先府君塋兆之次余揮涕志之銘曰爾植
何難爾摧何易玉潤恒折蘭芳倏瘁造物固
然爾寔蹈是何以慰之爾有後嗣

封孺人亡妻盧氏墓志銘

孺人盧氏咸寧末寧里人也高祖文質以賣
綾起家質雄關輔人號爲盧綾兒家云大父
繪繪生賓號西崖西崖君娶同邑梁氏以弘
治己未三月二十三日生孺人於揚州正德

癸酉西崖君自揚歸爲孺人擇對或謂西崖
君曰非王氏子不能爲若壻也於是西崖君
俾人視余大悅遂結婚焉正德己卯余鄉薦
中式辛巳舉進士被選爲翰林庶吉士讀中
祕書弗克親迎西崖君偕梁夫人送孺人至
京師孺人歸余信宿余母張孺人棄卷矣孺
人慟哭曰天乎天乎何遽奪我姑也自是脩
祀必竭精虔追慕云嘉靖戊子余編脩考滿
孺人膺勅命矣孺人雖授封而翟冠霞帔未

嘗着身曰舅始未詢何可先也孺人素無疾
壬辰冬十月忽發煩燥時西崖君歿於揚州
孺人未之知也余以爲骨肉攸繫使然一日
謂余曰吾夜夢齒落其叱若何余曰不祥言
甫畢孺人淚數行下頃之痛哭幾絕余視之
手撒直視矣迺百方療治三日獲蘇右手足
遂痿痺焉癸巳春孺人復能步履醫云暮年
大愈時梁夫人自揚來京母子嘻嘻甚歡也
居無何梁夫人密索風藥伺余出孺人飲輒
發汗凡數次而孺人內虛火作復病如初竟
以八月廿九日死年三十有五嗚呼痛哉孺
人莊重寡言女紅絕倫梁夫人遘疾誓拜斗
三載布素泊如絕不顯鉅族女也歸余凡十
三年滌滄瀚濯必躬服勞雖外戶扃鑰亦不
俾余經心故余出終夜無內顧憂也故所謂
女丈夫殆孺人類邪初梁夫人來京余固私
喜孺人當勿藥孰意其速禍若此而今已矣
痛何可言孺人生男一曰昌胤聘儀賓石君

女女三一許嫁都御史許君子甲云孺人既
歿余陳情乞歸荷蒙

主上俞允次歲甲午春三月六日塋孺人於曲
江原祖塋之次然孺人內行不可無紀述也
迺枚淚志之而爲之銘銘曰德孰予爾壽孰
奪爾煌煌

帝錫庶幾慰爾曲江之嘆鑿室藏爾俟余考終
斯丘共爾

封夫人亡妻李氏墓志銘

嘉靖四十年辛酉十二月十有七日余繼室
封夫人李氏歿於河南歸德府官舍明年壬
戌余上疏請

恩荷蒙先皇帝賜祭一壇令有司繕治塋域故
事二品給塋例得遣官是時以宅兆未卜余
白於大司空豐城雷公遂得停遣越六年爲
隆慶丁卯余謝政歸始卜地於曲江原祖塋
之右再逾年己巳塋事告竣乃於是年十一
月十五日奉夫人之柩安於玄室禮也先是

嘉靖癸巳余爲脩撰在史館先妻贈夫人盧氏病卒是時先尚書府君以刑部郎中守制家居聞訃悼痛又慮孫昌胤暨三女失恃聞夫人賢乃通媒妁爲余聘焉逾年甲午余乞假如關夫人歸余年十七矣夫人世籍咸寧與余同邑里父銳號南崖山東齊河驛驛丞母周氏懷慶府知府軒庵先生禮之孫也周夫人將就蓐夢黃旗獵獵迥切雲霄寤以語南崖公公曰吉兆也當生男子旣而夫人生焉夫人幼鮮女紅與諸妹同居終日靜嘿歸余三日卽爲兒女櫛髮紉袷先府君聞之喜曰兒婦得若人吾免於慮矣乙未余考績勅封安人丙申余史館事竣陞春坊諭德是歲冬

天子以大慶覃恩誥封宜人戊戌余丁府君憂夫人佐余襄事勞懃居多癸卯余轉官國子祭酒丁未陞少詹事兼學士是時

孝烈皇太后每歲行親齋禮夫人獲預陪祀輒

蒙宴齋辛亥余以禮部左侍郎丁繼母李夫人憂夫人佐余視昔益虔甲寅余以吏部左侍郎陞禮部尚書累蒙

先帝手勅加太子少保兼學士借諸輔臣日直內苑仍賜騎馬每經旬日

上特令一休沐夫人申嚴內政密伺倚鑰夜坐篝燈僕僕縫紉味爽即起雖米盪井竈靡不經目然余性庸鄙累議大政輒忤柄者銜之丙辰改官南銓夫人偕往顧江左鬱蒸夫人

昧於調攝蓋自是病矣嘗感乙卯十月之夢

輒自解曰我秦產也第過睢陽病當自愈未幾余奏績祇睢竟不起嗟嗟悲手言猶在耳

豈天數已定弗能違邪年四十有四正德戊寅十一月廿五日誕辰也夫人孝慈恭儉不

假外飾閭閻肅睦絕無喜妬盧夫人忌日躬率兒女享祀泫然流涕余或有過闕曲爲匡

補於是族黨慕之多感化者余壻馮舉人顯性孤介少許可嘗語人曰在昔淑媛君子焜

煌簡帙竊謂溢美乃今徵諸夫人信矣信矣
夫人鞠男女凡七人男即昌胤余尚書考績
蔭國子生長女適顯次聘師道立舉進士次
聘許甲國子生次適戶科左給事中張齊贈
孺人次適李拱次適盧淵俱縣學生孫男女
三人曾孫男女三人嗚呼夫人以閨壺之微
際熙洽之運殊渥異數生死茂膺壽雖不昌
名斯末矣用賓思圖不朽乃投淚書諸貞石
而繫之以銘夫人有知亦可以慰也夫銘曰
繫昔肇夢河伯授辭爾踰睢陽爾壽無期茲
惟寤語匪伊所思余旣南遷爾斯度睢人邪
夢邪杳不可知吁嗟夫人含章萃祉朝享慈
極 恩卹下里 綸綍三錫亦云不死曲江
鬱葱風氣攸鍾下有玄宮爾棲爾容於萬斯
年余與爾同封

靜庵君墓志銘

嘉靖乙未夏五月廿六日靜庵君病卒卒之
日執余弟用予手曰某五十二歲死復何恨

但恨不獲與而父而兄訣別爾當是時余父
江涯君爲刑部郎中余爲史館修撰云先是
乙未春二月余上京師靜庵君偕至臨潼謂
余曰敬共若職母易也謂余妻曰敬事若夫
母驕也下至臧獲訓諭勸勉者備至嗟乎言
猶在耳孰意其爲末訣也邪悲夫悲夫再逾
年爲嘉靖丁酉余奉使西還迺選地於鴈塔
之陽以九月廿有七日塋焉余志其墓曰靜
庵君者諱安字世寧身長六尺膂力絕人以
入市見諸賈貿易喟然嘆曰富可致也迺勵
志業賈然善心計與時逐其所獲贏愈於曩
簡一時關中稱善賈者必曰王某王某云嘉
靖戊子歲大侵人負租幾三百石靜菴君惻
然悉召諸負者諸負者恐以爲索償也靜菴
君于是大言曰公等無慮吾弗忍索也迺盡
出其券還之居無何里人有以負租事訟諸
縣者縣令曰汝不聞王某析券乎自是無敢
訟者靜庵君內行修飭不喜飲酒其事余大

父母及余父江涯君也孝義而能敬其待余
諸兄弟也惠和而有禮其治家也勤而不私
是故其生也內外無不敬其歿也無不拊膺
痛哭者昔余侍靜庵君見其豐頤大耳雙目
炯然又坦直無它腸也以爲靜庵君之壽不
百年亦八九十矣迺竟止此豈苟鄉非相之
說殆是邪抑仁者不必壽邪悲夫悲夫靜庵
君以成化甲辰七月十五日生曾歲寧常寧
里先娶再氏生女適安賢繼娶房氏側室于
氏生子曰承志今七歲矣用賓職在昭良惡
可無銘以詔後人銘曰韋曲之原江流駛駛
其水維何既清且瀾叔也樹德詠哉並美百
世考賢視此江水

王中女墓志銘

中女者余妻盧氏宜人生也嘉靖戊子余爲
翰林編脩女生京邸大母張太孺人有長安
遺書令名曰淑間云甲午宜人卒女哭之痛
左庶子沔陽童公弔余聞之曰是君五歲女

邪亦爲泣下明年乙未余再娶宜人李氏李
初歸女戀戀左右奉謁祠堂女爲拂衣先中
憲府君愛之許聘長安師君孫道立師君者
荊州知府渭橋先生也余籍咸寧與長安並
隸西安郡云乙巳余爲國子祭酒初抵官舍
夜夢絳輿珠箔旌幢繡紛女居中若神焉余
驚寤泣爲李宜人曰女殆病矣李亦流涕竟
以十月二日訣別實戊子四月五日生年一
十有八爾女數歲知讓每臨飲食必呼兄弟
共之余退自公輒於余定省竊慶師氏佳偶
蓋天作之嗟嗟悲乎孰意變乃至此豈女容
絕人造物者忌邪邪余稔惡罰逮厥息邪先
是癸巳余以府君憂季女云亡時余病稍瘳
塋於祖塋之外及女觀歸余卜兆不決者七
年至是飲痛仍塋於季女墓右俾季也未妥
後世易識別爾其塋壬子正月二十六日地
曰曲江之原銘曰來孰使之去孰奪之泡光
石火令我心悲 思死之南汝妹在斯汝亦

家乘 卷十六
至止是憑是倚銘石齒齒二女不死

不肖孫紹貞薰沐校梓

曾孫提衡

提衡

提衡

提衡

提衡

攝衡同校

附錄行狀

光錄大夫

太子太保南京吏部尚書兼翰林院學士三渠

王公行狀

公姓王氏諱用賓字允興號曰三渠世為咸

寧縣人高祖仲義曾祖福祖壅俱隱德弗耀

父懋號江淮公以進士起家仕至懷慶府知

府後以公貴贈

太子少保南京吏部尚書兼翰林院學士母張

氏贈夫人夫人生公兄弟六人公其第二子也少雅馴疑重穎異不凡四歲從鄉塾受句讀即能解悟八歲知聲律文義好顏直卿書後遂學書竟能盡顏之妙十八歲中正德己卯鄉試式明年庚辰中會試式值

武廟南巡未獲廷試辛巳始廷試賜二甲進士改庶吉士壬午丁母張夫人憂乙酉制終如京授翰林院編修嘉靖七年纂修

明倫大典成晉官修撰無何以修撰充

經筵日講官時

世廟勤於問學公每進講容止恭慎詞語溫雅開陳治道啓沃寔多己丑充會試同考試官閱卷以文字醇雅爲主所錄士多類己者壬辰充武舉考試官諸武士文射兩至者亟錄之文不至則間取其射錄之曰科以武名未可以不至棄其所至也時稱爲得士十五年校錄

列聖寶訓實錄成陞右春坊右諭德戊戌丁父

江淮公憂甲辰制終如京仍官論德二十年
八月陞南京國子監祭酒本年十二月改國
子監祭酒先是士遊國子監者多逸司成以
法繩之則欺誑生焉公曰諸生聞聖門之訓
乎德禮且格刑政免而無耻士賢者願格不
願免也余將與諸生共德禮焉自是敦本尚
質肅肅雖六館多德禮之士矣廿五年陞
詹事府少詹事兼翰林院侍讀學士廿六年
吏部侍郎缺禮部兩侍郎爭入給事中論其
專

上兩斥之時有尾其說者誤及公

上詔公致仕既二年巡按徐御史疏公賢

上詔公復爲詹事二十九年以資深陞禮部右
侍郎尋轉左侍郎三十年丁繼母李夫人憂
制終

上召公以原官起京教習庶吉士居頃之改吏
部左侍郎攝尚書事先是武選楊員外者疏
分宜嚴公不法分宜陷之獄時當廷鞫公

附錄 卷十六
間語分宜曰楊固狂躁然以相公獲罪恐貽
天下口實願寬之以昭令德分宜陽以爲善
卒疑公異已坐此相忤遂陌路視公三十三
年禮部缺尚書

上知公純謹推爲尚書未幾召入內直加

太子少保兼翰林院學士數有珍品文綺之賜

又

命內苑乘馬寵異之是時

穆廟在裕邸誕嗣當奏知群臣未知所擬公獨

擬稱皇孫疏入

上是之

孝烈皇后山陵久畢未附廟詔下禮官議時

臣下略有異同公獨主附廟疏入稱旨乙

卯嘗病瘍疏請休假蒙賜聖濟御藥仍

遣中使至私第省視其息禮隆重埒於輔臣

矣丙辰會試天下貢士公知貢舉而是歲有

吏部李尚書之事初趙通政者密於分宜藉

其力窺部堂不得語多侵本李不能清忍擬

趙巡撫抑之李嘗以漢事試聽選監生趙指其事爲訕謗

上大怒逮李於獄詔禮部會官議罪分宜私通政以

上意叵測語公意欲深文罪李也公曰李趙已
有公論今枉之如公論何分宜大不悅第笑
曰書生語耳然公竟擬李編氓分宜以公屢
拂已意銜之則乘機撼公公遂南矣公之去
朝也以禮部尚書改南京吏部尚書兼學士南
都故無兼學士者兼學士自公始然

上猶念公戊午仲秋值

聖節

上檢故牘得公往歲應與請作錄其中甘露文
用之已卽命分宜選補文撰之臣分宜以
鄉人奏

上竟不用而公亦不復召矣南都雖稱閑曹然
清議重甚公以博大簡重表率諸司翕然化
之具瞻攸存群工允賴乙丑以尚書九年奏

績

詔進太子太保仍掌南京吏部事公受命歡
怵即日引道歷趙抵梁境遇疾且疏乞休
上知公恬退嘉其節從之仍命馳驛歸時六
十又六歲云既歸則忘其貴重接遇里中故
舊杯酒讌遊日相娛樂其所談論必依於道
德禮讓以爲鄉之後進者式而鄉之長者少
者微者咸得謁公公亦面之不厭鄉人或延
公飲必從容款洽罄其供且卽夜分漏盡不
計曰余所遂招客者之情也里有塋其親者
雖隆冬盛暑必抵墓所曰惟送死可以當大
事余將慰孝子之心也萬曆己卯六月以送
塋歸觸暑初若病瘧者已乃瀉且愈且作漸
劇客來省問猶呼禮衣加體時時問晷刻至
七月七日卒詎生弘治辛酉正月十日享年
七十又九子都事聞公病上疏乞歸旨甫
下而公不待矣都事痛不得舍飯則泣血仆
地幾滅性者數焉公家居十四載郡大夫以

附錄
卷之六
鄉飲大賓延公歲凡兩次至卒之前二年以老不能爲禮始罷總督撫按官薦公無虛歲大都謂老成更事純謹端亮出可以贊元化處可以鎮雅俗云公初在戊午以尚書三年考績授資政大夫壬戌六年考績授資德大夫正治上卿丙寅九年考績加太子太保致仕萬曆戊寅以子都事蒙

兩宮徽號 恩詔 誥進光祿大夫元配贈夫人盧氏繼配封夫人李氏俱進一品夫人大

父父俱累贈如公官大母母俱累贈夫人公

生子女凡七人男一曰昌胤以陰授後軍都

督府經歷司都事娶石氏贈孺人繼田氏封

孺人女六長適河間府通判馮顯次許聘貴

陽府同知師道立早卒次許聘商城縣縣丞

許甲亦早卒次適光祿寺寺丞張齊次適生

員李拱次適生員盧淵孫男子二長紹恩生

員娶郭氏次紹貞娶韓氏孫女一適生員管

九齡曾孫男五文炳文煥文煥文煥文煥曾

孫女二俱幼盧李兩夫人俱名家子女德婦
行前後一揆俱先公卒別有誌都事卜以萬
曆庚辰三月初九日葬公曲江原 思兆杖
而過余泣曰先光祿公歷事 兩朝四十餘
年忠亮質直溫良謹恪德可徵諸輿論行不
媿於屋漏嗟悲哉已矣所賴志銘以托不朽
非當世顯貴老於文辭者孰能爲之昌胤將
長跪哀祈焉予其狀之余受知光祿公有年
義不能辭遂紀其終始大者如此公所著詩
集十卷文集二十卷雜著十卷藏諸家笥俟
校定擬題曰三渠先生集傳之當續錄上茲
先其行寔惟太史先生採擇焉

萬曆八年正月十六日前南京應天府府尹

王鶴謹狀

附錄墓誌銘

明光祿大夫

太子太保南京吏部尚書兼

翰林院學士三渠王公墓誌銘

賜進士出身資政大夫侍

經筵協理京營戎政兵部尚書上郡楊兆撰

賜進士爲嘉議大夫南京應天府府尹前大理

太常少卿吏兵二科都給事中使朝鮮國

賜一品服眷晚生長安王鶴書

賜進士出身資政大夫尚寶司卿前吏科都給

事中侍

經筵眷晚生涇陽雜遵篆

太宰三渠王先生於萬曆七年七月七日以疾終於家寢其家嗣後府都事君自遠抵余書求爲誌銘余伯父本源公與先生父江涯公同舉庚午鄉薦且余丙辰歲入對公車先生時以太宗伯知貢舉桑梓里西槐李門墻於今日都事君託均有不可辭者按南京兆王公鶴狀先生諱用賓字允興別號三渠世爲關中咸寧人高祖王父仲義曾祖王父福祖王父壅皆在編列無通顯者至江涯懋始起家正德丁丑進士仕至懷慶知府今以先生貴得贈如其官母張氏贈夫人生先生昆弟六人用臣用予用卿用賢用相先生居仲幼有穎悟資四歲就鄉塾通句讀稍長漸習舉子業有聲學官使者錄爲弟子員正德己卯舉於鄉年甫十九次年庚辰甲會試值武廟南巡辛巳始

賜二甲進士改庶吉士讀中秘書壬午守張夫
人制滿如京授翰林編修纂修

明倫大典成轉脩撰充

經筵講官先生秀色作儀綺譚成範

世廟常日禮之巳丑充會試同考官壬辰充武

舉總裁文武士入彀中者咸有佳稱已校錄

列聖寶訓實錄成轉右春坊右諭德戊戌以江

涯公制歸甲辰如京八月轉南國子監祭酒

頃之改比丙午復改詹事府少詹事兼翰林

院侍讀學士丁未吏部缺侍郎言臣論閣實

者焚玉及先生

上賜還旣二載

上復召先生入庚戌轉禮部右侍郎尋轉左辛

亥復守繼母李夫人制癸丑閣臣以教習庶

吉士即家疏起先生無何轉吏部左侍郎比

先生如京拜

命遂攝冢宰事居頃之禮部缺尚書

上復以先生拜 召贊 內直仍加太子少保

兼翰林學士數賜金幣餽饌與諸相君同寔
淫典云時

穆廟在濟邸誕嗣時論朱知所擬先生謂宜稱
皇孫又

孝烈皇后久未祔廟 詔下廷議或有異同者

先生執以祔廟是䟽上皆稱 旨乙卯先生
偶移疾在告

上特遣中使給 御藥不旬日愈丙辰知貢舉
後偶通政趙某構李家宰事

上詔先生會官議先生持公論李從未減不報
蓋趙某爲分宜相君客李故與相君不相能
欲以是中李先生獨奈何援之手乎且先生
嘗爲楊忠愍事乃力解之相君積此二事遂
爲相君所銜陽浮慕之矣會南吏部缺尚書
相君陰導

上移先生往其得仍兼學士者出

上意也比先生去

上猶注念弟不欲言間 諭相君舉文學侍從

臣屬以他對

上竟寢其事其意在先生可知也先生在南都
戊午三年考授資政大夫壬戌六年考授資
德大夫正治上卿至丙寅九年考遂加
太子太保方擬

召還先生遽攬止足之分乞骸骨

上重違先生意

賜馳驛歸時年已六十六矣

抵家關精舍日與文史相左右且天性長厚
不欲多上人其與故人交視貧賤無殊貴富

人慶吊諸不廢禮萬曆己卯六月偶觸暑病

瀉比愈復作延綿匝月竟不起距其生在弘

治辛酉正月十日得年七十有九時都事君

寓京邸聞先生病即陳情乞歸比得命而

訃諱至矣先生家居凡十四載有司敦致爲

鄉飲正賓先生謂國典攸繫每赴必夙興

母敢以風雨爲解歲部使還朝無不爲蒼

生薦先生者萬曆戊寅以都事君蒙

兩宮徽號

恩詔

誥進階光祿大夫元配盧

氏繼李氏俱贈一品夫人盧生一子即都事
君名昌胤先娶石氏贈孺人繼田氏封孺人
女六長適府通判馮顯二聘府同知師道立
三聘縣丞許甲四適光祿寺丞張齊五適李
拱六適盧洲俱邑諸生孫男二長紹恩府庠
生娶郭氏次紹貞娶韓氏孫女一適庠生管
九齡曾孫男五文炳聘許氏文煒文煥文萃
文燿曾孫女三俱尚幼都事君卜辛巳三月
初九日之吉塋先生於曲江原仍具疏以聞

朝廷特

頒諭祭九壇仍下工部差官造墳公生平著述
有詩集十卷文集二十卷雜集十卷都事君
將梓之以傳祀曰吾關中自昔多才賢如經
野谿田二公哀然爲舉首焉獨其位秩或稍
弗酬如先生又在詞林且階宮保以白首全
歸文章功業可不謂兼兩之哉是宜銘銘曰
翼翼鶴京遐萌萃止瞻彼雲槐庶幾嚆矢天
啓名世邁迹自躬爲王吉士有文者東金馬

玉衡亦既受祉榮晉 宮階清兼學士王臣
蹇蹇以保善人留京三考乃奉閒身直節完
名於時罕儷錫予伊誰緬惟

肅帝優游家食視履其旋以介眉壽則百斯全
載惟郵

息匪頌身後數也適窮名則不朽曲江賜兆崩
施崇岡貞珉爲勒奕世其昌

卷之十六木終

三渠先生集後序

歷觀遺載之內儀象昭明流峙環列動
植蕃息莫非文也若文之在人可以興
可以式焉其惟亡之成章者乎言雖由
於人而非出於天也惟人為所遺所載
內之一物歟發之為聲足以洩天地真
元之氣爾太宰王公顯外舅也鍾此真
氣之靈秀邃學縵采馳聲苑苑主

朝四十餘年瓊翰盈筭暮歲不祿盈筭者
皆散逸不收顯器歸泉石以來痛加披
索僅得詩文十四卷多出酬贈其題咏
奏章闕乎治道者無一存焉深可慨也
續既成莊誦之餘但知可興可式至於
與旨激蘊薇田公已詳矣顯也固陋何
足以知之每執卷諦覽猶夫荷蓑履屨
之人縱視清廟明堂之上驚心耀目神
越氣吞其視是旒黼黻尊壘鼎彝固不
知為何人亦不知為何物也雖然亦嘗
聞之矣文者道之器言之者心之聲也富
焉而弗規於道則觀者未必能法矣衆
鳥而弗根諸衷必行之未必不窒矣故
泉出山下漚為巨流不舍晝夜風行而
文生焉其道之不息而文之有存矣乎
萬木凌霄參差若鬱一元太和之時穰

華燦爛其培凝深厚而蕪榮昭著矣乎
顯得侍公堂序之側飲夫江河波瀾之
間數十年矣但見溫祥和厚者公之為
言也光大誠實者公之為行也若鴻慶
揮辭寸畧乃就未嘗求正而性情之真
又寄於文辭之外其即山下之泉凌霄
之木鳥昨徒觀之滂湃巨流爾也昨徒
觀之蔭茂穰華爾也是澄於道而根諸
衷者也嗚呼公固不以文為輕重而文
則以公為重矣是故壽之木所以示後
人也蓋文假之木以久而德之久也不
必木岑假之文以著而績之著也不必
文公之為德若績自有持衡秉筆之儒
顯何與焉但家庭懿範繩之及裔者自
當率循不越而又不在文辭間也

萬曆甲申秋八月朔日後學馮顯謹序

長安後學桑本之重書

叙重刻三渠先生集後

聞之魯鼎亾庸厲章甫逢掖不
與纂組較奇益賈非真奇未可
語正也故漢之文樸司馬太史
不盡樸而漢文必重太史唐之
文渾杜拾遺不盡渾而唐文必
重拾遺亾亦質有其渾樸乃重

哉我

世廟朝文章行誼重宮保三渠
先生先生遺集初刻於厥倩馮
別駕玉涯公而王京兆薇田先
生叙之孫刻於厥孫光祿署丞
乾軒公而周司農槐邨先生叙
之謂先生正義亮節明審堅定
匪徒文也謂先生雅意閣修如
陳長文羊叔子焚削諫草滅跡
遠名匪多文也蓋其詳矣光祿
公猶夙夜兢兢二十餘季續得
若而篇成今集其攷訂加謹繕
寫加楷劂刷加工甫竣而先生
之廕曾孫中府都事君適拜官

至祖德孝思同豈邁會又何奇
邪一日光祿公執斯集也就愚
養性問叙焉養性愚幸侂葛羅
之末何敢薄於別駕竊維先生
受知

世廟幾大拜會柄臣欲甘心於
李家宰楊武選而先生獸不肯
少枉以附自是尼之南都者十
季柄臣敗而先生之遺益大光
至於今後學仰楷模廟庭崇俎
豆孫曾蕃衍

息澤未艾由崙而觀是曰佑啓
由後而觀是曰式穀丕顯丕承
周之惠也漢唐云乎哉令爾崙

先生不南等孫可立致通顯未
免與分宜俱泯沒耳天下後世
謂文何故肯兩先生者慨文獻
於鄉邦埃易名於朝議而揚大
司馬晴川先生亦稱文章功業
與涇野谿田並重君等以爲實
錄蓋三先生知先生於同昔愚
養性知先生於先生之後人得
以貽穀之說附末簡若先生起
成周舊畿遭際

明聖心品宦蹟大非子長子美
所敬希聖其德曰言章辭以誠
立如魯鼎如章甫逢掖自超軼
漢唐見者知重愚養性亟欲掄

楊於先生何加矣

天啓壬戌春三月長安後學劉

養性頓首撰并書



